

Das vierde Capitel.

dern / am Himmel erscheinen / vnd so hoch von nöthen dieselben nach Astronomischen grunde zubeschreiben / Damit ja dem Teuffel zu dienst ihre Bedeutung verschwiegen bleibe / auff das solche Leute ihre ertichte Secten desto scheinhafter mögen vermenteln / vnd also desto sicherer vor grosse Heiligen gesachtet vnd gehalten werden / da sonst vielleicht ihre *periodi fatales* etwas ehe möchten herzu kommen. Darumb sie sich nicht vnbillich vnter stehen gute vñ löbliche künste zuerfolgen Vnd wann es an ihnen gelegen were / ganz vnd gar zuerurz theilen vñ hinzurichten. Aber wir wollen aus Gottes hulden gänzlich der hoffnung geleben / ob gleich zu zeiten solche vns gewitter furüber rauschen / das dennoch wider ein gut Wetter wie zuvor gewesen / erfolget. Derhalben wie diese *Artes* sind im schwang vnd hohen werden vor solchen *iniquis censorib. & irrequietis mundi animalibus*, gestanden vnd erhalten worden / also werden sie auch noch ihnen mit Gottes hülff wol bestehen / vnd bis zum ende der Natur verbleiben.

Das Vierde Capitel.

Von des Cometen Form vnd Gestalt / was aus derselben künfftig zugewarten.

Plinius in seiner *Historia Mundi*, lib. 2. cap. 25. erzehlet neun *species* der Cometen / mit ihren figuren vnd gestalten / wie dann solche in etlichen außgangenen Beschreibungen dieses Cometen fleissig erkleret / vnd wir derhalben den Läser an dieselben wollen gewiesen haben. Von andern / vnd fürnemlich den Aristotelischen / werden dreyerley geschlecht angezogen / *Caudati*, *Criniti* vnd *Barbati*, das ist Schwenzichte / Härichte vnd Bärtichte. *Caudatos* heissen sie / wann in